

GÁLATAS

Pablo queédih ã túyat tútat

¹⁻² Weém, Pablo, biíhdih daacát túttnit, yeéb Galacia baácdih jumni tútchinadih moón Jesúihwādh wā wahna caá. Nihat wājeéh jumnit Jesúihwābut yeebdíh ã túyat túttna caá. Weém, Pablodih jǐ Jesucristo ã ñíwip jǐ, áih túini doonádh wā naóh jib bohéat pínah niijná. Căacwā weemdíh ã naáwát tútcap jǐ. Obohjeéhtih, Jesucristo, Dios jwǐ íp caán wunnijidih booanibut weemdíh ã ñíwip jǐ. Páant ã naáwát túttni jumna, nin núodih yeebdíh wā daác wahna caá.

³ Dios jwǐ íp, jwǐ Maáh Jesucristobut yeebdíh oinit, ã túi teo wáaca naáh, ñi túi jumat pínah niijná.

⁴ Dios jwǐ íp ã náahat pahjeh, caán Jesucristoboó jwǐ yéejat jíib, át wun wūhup wut jǐ, * ã teo wáacatjǐh yeejépwā ã jumat pah nihcan, yéej chăjatdh jwǐ yap yohat pínah niijná.

⁵ Páant ã chăjatdh jéihna, “Paá, meém nihatdh jéih beedáni jumna, căacwādh jǐgah ennit, mapǐ túi teo wáacna caá”, jwǐ ípdih yeó jáap jumat pah búdí jwǐ níj wēi naáwát dée caá. Páant tí jwǐ níj wēi naáwáp.

Dios căacwādh ded pah ã túi ubat

⁶ Yeébboó ded pah ñi chăjat doonádh joinít, weém búdí wā náhni dahwana caá. Dios yeebdíh búdí oina, át ñíwip taga, Jesúsdih jepahnit, áihwā ñi jumat pínah niijná. Obohjeéhtih, páant yeebdíh

* **1:4** Mt 20.28; Mr 10.45; 1Ti 2.6; Tit 2.14

búdí ã oyochah yahna, waícanjeh biíh bohéatdih joinít, Jesucristoboodíh cádahna caá ñi chãjap. Páant ñi cádahat doonádih joinít, “¿Dépanih tigaá waícanjeh í túut nuúm?” niíj jenah joinít, wã wáhi bejep be.

⁷ Biquína ñi pebh jumnit, yeebdíh tac buugána, mácah bohénit, Jesúih túini doonádih í yéejana caá. Páant yeebdíh naóhna, nin pah í niíj yee bohéna caá: “ ‘Túi ubnit jummat túut niijná, Jesucristodihjeh ñi túi jepahaá’, Pablo niíj naóh bohéna, yeebdíh ã nih yána caá. Diosjeéh túi jummat túut niijná, jwí nuowã í naáwátjidihbut túi jepahat caá náahap”, ít niíj yee naáwáp wat be. Obohjeéhtih, “Nin túini dooná caá”, í niíj naóhniboó túini dooná yoobát nihcan caá.

⁸ Jwiít, Dioíh ángel japmant jüóhni, yeebdíh jwí jwíih bohéatjidih mácah jwí bohénachah, jwiít dih Dios búdí peéh chãjna, iiguípna ã waha naáh.

⁹ Wã naáwátji pah wã jwúub naóhbiipna caá, páant mantih: Yeebdíh jwí jwíih bohéatdih ñi túi jepahachah yahna, det yeebdíh mácah í bohénachah, Dios queétdih búdí peéh chãjna, iiguípna ã waha naáh.

¹⁰ Páant niijná, “Caánboo tigaá túi bohéni ã jumap”, weemdíh cãacwã í niiját dih wã bidcan caá. Obohjeéhtih, Diosboó weemdíh “Meém ma túi bohéna jii”, ã niiját dihjeh caá wã náahap.* Cãacwãdih weñahnit bohéna, Cristoboodíh wãta weñacan tagaá. Pánih weñacan, caandíh teo wühni wãta jumcan taga.

Cristo Pablodih ded pah ã túut nuumátji

* 1:10 1Ts 2.4

11 Wã déewã panihnítá, nindih ñi jéihyat pínah yeebdíh wã náah yacna caá: Wãpĩ bohéni túini dooná cãacwã ĩ jenah joyátjijeh nihcan beé.

12 Ded cãacdih wã joiníji doonábut nihcan beé. Bitá weemdíh ĩ bohécan beé. Obohjeéhtih, Diosjeh weemdíh ded pah ã wũúh ã jummatdih ã bohénap jĩ.

13 Jesucristodih wã jepahat pínah jãtíh, jwiít judíowã jwĩ ñowã ĩ naáwátjidih wã túi joí waadánap jĩ. Pánih túi joí waadáni wã jumachah, ded pah wã chãjatji doonádih yeéb ñit joiíj tagaá. Pánih jumnit, Jesúíhwã Diosdih yap yohnit ĩ jummatdih jenah joinít, eníhcan, bádí yeejép chãjna, queétdih wã túi mao beedá bojíhip yah jĩ.*

14 Jwĩ ñowã ĩ naáwátjidih túi jepahíhna, weém biíc yoobó behnit chah wã túi bohénap jĩ.*

15-16 Obohjeéhtih, wã cãac jummat pínah jãtíh, Dios weemdíh bádí oina, átát ñíojip taga, áih túini doonádih wã bohéat pínah niijná. Pánihna, yéejni wã jumachah yahna, ã náahni yeó jáapdih Jesús ã wahniji ã jummatdih weemdíh ã jéihyanap jĩ. Pánih jéihyanit, judíowã nihcannit pehbhoó ã wahap jĩ, áih túini doonádih queétdih wã naáwát pínah niijná. Páant ã wahachah, “¿Ded pah tigaá weemdíh niíj bohéat náah?” cãacwãdih wã niíj úúbh joí encap jĩ.*

17 Jesús áih túini doonádih naáwát túutnit maáta, wã jãtíh ã ñíonit ĩ jumachah yahna, Jerusalén tãtchina queétdihbut míic wéhenadih wã bejcap jĩ. Caanná bej jawhcanjeh, Dios ded pah weemdíh

* **1:13** Hch 8.3; 22.4-5; 26.9-11 * **1:14** Hch 22.3 * **1:15-16** Hch 9.3-6; 22.6-10; 26.13-18

caanná wã jwúub bejep jĩ. Pánih bejna, Titodihbut jwĩ nɯmah bejep jĩ.* Caánboó judío nihcanni, jwĩ nɯowã ĩ wɯtat pah bóodcanni ã jumɯp jĩ. Caanná jwĩbína, caánboó jumnit Jesúíhwã ĩ maátajeh ĩ míc wáacachah, judíowã nihcannitdih túini doonádih ded pah wã bohéatdih queétdih wã naáwáp jĩ. Pánih naóhnit, ded pah wãpĩ bohéatdih queét ĩ túi jéihyatdih wã náah yacap jĩ. Pánih jéihcan, wã bohéatdih ĩ wēicah, wã tewat bɯudní ãta jum taga. Obohjeéhtih, ded pah wã bohéatdih jéihnit, ĩ túi weñep jĩ.

³ Páant wã naáwáchah wēi joiná, Tito bóodcanni ã jumɯchah yuhna, “Meembút ma bóodat tútú”, caandíh ĩ niijcáp jĩ.

⁴ Queét maáta biícđih jwĩ míc wéhe láa, jwiít Jesúíhwã nihat biícđih jwĩ míc wáacachah, biquína “Jesúsdih jepahnit jwĩ jumna caá”, niij yeenitbut ĩt waadáp jĩ. Pánih waadnít, judíowã nihcannitdihbut ĩ bóodat tútɯp yuh jĩ. Obohjeéhtih, bɯu Jesúíhwã jumna, jwĩ nɯowã ĩ naáwátjidih jepahcan, Jesúsdihjeh jwĩ túi jenah joiná caá. “Páant jwĩ chãjachah, jwĩ ípboó jwiítđih ã túi enna caá”, jwĩ niij jéihna caá. Páant niij jéihnit jwĩ jumɯchah enna, jwiítđih jũihñat tút niijná, ded pah jwĩ chãjatdih jéihíhna, queét jwĩjeéh ĩt waadáp tajĩ. Pánih waadnít, jwĩ nɯowã ĩ naáwátji biíc yoobó jwiítđih ĩ jepah beedáat tútɯp yuh jĩ, páant mɯntih.

⁵ Páant ĩ wɯtɯchah yuhna, túini doonádih ñi jéihyat pínah niijná, jwiítboó queétdih jwĩ jepahcap jĩ.

⁶ Pánihna, Jesúíhwã ĩ maáta túini doonádih ded

* 2:1-2 Hch 11.30; 15.2

pah wã bohéatdih joinít, “Ma bohéat pahjeh tih judíowã nihcannitdih ma bohénaá”, niij naóhñit, weemdíh biíh wutatdih ï bohéat túutcap jĩ. Queét Jesúíhwã ï maátadih “Queétboó chah jéihñit caá”, biguína ï niij jenah joyóchah yɥhna, dedé pínah weemdíh nihcan caá. Diosboó nihatdih biíc yoobó ã jenah joiná caá.*

⁷ Queét ded pah wã bohéatdih túi wēinit, “Pedrodih jwiít judíowãdih ã bohéat pínah niijná, Dios át ñíoip taga. Pánihat pah, Pablodihbut judíowã nihcannitboodíh át bohé jibat túutɥp taga”, ï míic niijíp jĩ.

⁸ Judíowãdih Pedro ã bohénachah, Dios búdí át teo wáacap wut jĩ. Weembút judíowã nihcannitdih wã bohénachah, Dios biíc yoobó ã teo wáacachah, queétbut ï túi jepahap jĩ.

⁹ Pánihna, Santiago, Pedro, Juanjĩh, Jesúíhwã ï maáta yoobát, Dios weemdíh búdí ã teo wáacatjidih jéihñit, “Dios yoobópdi h át ñío wahap taga, jwĩ déewã nihcannitdih ã naáwát pínah niijná”, ï míic niijíp jĩ. Páant niijnít, weemdíh Bernabédihbut búdí wēinit, “Jwĩ túi míic teo wáac jĩh”, niijná, jwĩ míic mɥj tewep jĩ. Pánih mɥj teonit, “Yeéb jwĩ déewã nihcannitdih ñi bohéatji pah ñi túi naáwá. Jwiítboó jwĩ déewãdihjeh jwĩ naóhbipna caá”, Santiagowã jwiítdih ï niijíp jĩ. “Páant tií ã ɥmɥ nah”, jwĩ míic niijíp jĩ.

¹⁰ Páant niijná, Jesúíhwã moh yéejnitdih jwiítidih ï teo wáacat túutɥp jĩ. Weembút moh yéejnitdih búdí jĩgah ennit, wãpĩ teo wáacna caá. Páant niij míic wéhe péanit, jwiít Antioquíá tútchina jwĩ jwúub

* 2:6 Dt 10.17

bejep jĩ.

Pablo Pedrodih ã jãihñat

¹¹ Tãttimah, Pedrobut Antioquía tãtchiboó ã jãibínap jĩ. Obohjeéhtih, jwĩ pebhna jãibíniji, yoobópdiã ã chãjcat peéh caandih wã jãihñap jĩ.

¹² Nin pah ã chãjap jĩ: Jwĩ nɔowã “Jwiít judíowã bóodcannit biícdiã jwĩ jeéméchah ã táican caá”, ã niijátji ã jumuchah yuhna, Pedroboó jwĩ pebh jwíih jãibína, jwĩ déewã nihcannit biícdiã ã táí míc wêp jwuhap jĩ.* Obohjeéhtih, biquína jwĩ déewã, Santiago ã chéenwãboó ã jãibínachah ennit, jwĩ déewã nihcannitdiã cádahnit, Pedroboó “Buu jainít bóodat tãutnit weemdih jãihná”, niijná, ãjééh ã jwúub míc wêpcap jĩ.

¹³ Páant ã yee buugúchah ennit, bita jwĩ déewãbut caandih míc jéih ennit, queébut biíc yoobó ã cádahap jĩ. Bernabé yuh buca táí jéihni jumna yuhna, queét ã chãjat biíc yoobó caanbút ã cádahap jĩ.

¹⁴ Pánih cádahnit, “Nihat Jesúsdiãjeh jepahnitdiã Dios biíc yoobó ã wêi enna caá”, ãpĩ niij bohéát pah queét ã cádahap jĩ. Páant ã cádahachah ennit, nihat Jesúihwã ã joyóchah, nin pah Pedrodih wã niij jãihñap jĩ: “Meém judío jumna yuhna, Jesucristodih jepahna, jwĩ nɔowã ã naáwátjidiã ma táí jenah joí cádahap jĩ. Pánih cádahnit, judíowã nihcannit ã chãjat pah queét biícdiã ma táí jeémp jwuhap be. Obohjeéhtih, buu queétdiã cádahnit, jwĩ nɔowã ã naáwátjidiã ma jwúub jepahachah ennit, queét jwĩ déewã nihcannit nin pah ã niij jenah joiná nacaá: ‘Pedro páant ã jwúub jenah joyóchah, queét

* 2:12 Hch 11.2-17

judíowã ã ñowã ã naáwátjidih jwiítidihbut jepahat caá náahap', ã niij jenah joiná nacaá. Páant ma chãjat ã táican caá", Pedrodih wã niijíp jĩ.

Jesúsdih táí jenah joinítidih Dios ã wẽi enat

¹⁵ Jwĩ ñowã judíowãjeh ãtát jumup tajĩ. Pánihna, jwiítbut ã jumená judíowãjeh mantih jwĩ jumna caá. Pánih jumnit, Dios ã wutatdih jéihnit jwĩ jumna caá. Obohjeéhtih, queét judíowã nihcannit Diosdih ã jéihcan caá.

¹⁶ Pánihna judíowã jumna yuhna, caán wutatdih jwĩ jéih jepah beedácatdih jwĩ jéihna caá. Caandih jepahcat jíib "Queét táinit caá", jwiítidih Dios ã niij encatdihbut jwĩ jéihna caá. Obohjeéhtih, Jesucristodihjeh táí jenah joinít jwĩ jepahat jíib, "Queét táinit caá", Dios jwiítidih ã niij enna caá. Pánih jéihnit, jwiít judíowã yuhna, Jesucristodihjeh táí jenah joinít, jwĩ jepahap jĩ, "Queét táinit caá", Dios jwiítidih ã niij enat pínah niijná. Jwiít cãacwã Moisés ã wutatjidih jéih jepah beedácanit míc jwĩ jumna caá. Pánihna, caandih jwĩ jepahcat jíib, "Queét táinit caá", Dios ã niij encan niit. Caandih jéihnit, "Caán wutatdih joí waadánachah, Dios jwiítidih ã táí wẽi enna caá", jwĩ niij jenah joicán caá.*

¹⁷ Pánihna, Cristodih jepahnit, "Queét táinit caá", Dios jwiítidih ã niij enat pínah niijná, caán wutatdih cádahna caá jwĩ chãjap. Obohjeéhtih, páant jwĩ cádahachah ennit, bita jwĩ déewã caán wutatdih táí jepahat tútnitboó "Queét jwĩ déewã nihcannit pah yéej chãjnit ã jumna caá", jwiítidih ã niij jenah joiná caá. Páant ã niij jenah joyát pah jwiítbut jenah

* 2:16 Sal 143.2; Ro 3.20,22

joinít, “Moisés ã wutajjidih cádahat tútnit, Cristo jwiít dih ã yéej chãjat tútna caá”, jwíta niúj jenah joi tágaá. Obohjeéhtih, páant nihcan caá. Pánihna, “Jesucristodih jepahna, Moisés ã wutajjidih jwí cádahat jíib, yéejnit jwí jumna caá”, jwí niúj jenah joicán caá.

¹⁸ Cãacwãdih nin pah wãpĩ niúj naóh bohéna caá: “Diosjeéh túi jumíhna, jwí ñowã ã naáwátjidih jenah joicán, Jesucristoboodíhjih túi jenah joinít, jepahat caá náahap”, wã niijná caá. Obohjeéhtih, páant niúj bohéniji jwúub túut ñumñít, “Diosjeéh túi jumat túut niijná, jwí ñowã ã naáwátjidih túi jepahat caá náahap”, niúj naóh bohéna, yéej chãjni yoobát wãta jum tagaá.

¹⁹ Moisés ã wutajjidih weémboó túi jepahcanni jumna, caandíh yap yohni wã jumna caá. Pánih yap yohni wã jumatdíh jéihna, “Caandíh wã jepahcat jíib, Dios weemdíh ã wêi encan caá”, wã niúj jenah joiná caá. Páant niúj jenah joinít, Dios bíicdih túi jumat túut niijná, caán wutatdih jenah joi cádahnit, Jesucristoboodíhjih túi jenah joinít, wã jepahna caá.

²⁰ Caánboó weemdíh oinit, wã yap yohat peéh cruzboó ã wun wũhuchah, weembút ãjeéh bíicdih wunni pah wã jumna caá. Pánih wunni pah jumna, weém wã jenah joyát dihjih chãj cádahnit, Cristoboodíh túi jenah joinít, jepahna caá wã chãjap.*

²¹ Pánihna, “Dios jwiít dih búdí ã oyochah, Cristo ã wun wũhat dedé pínah nihcan caá”, wã niijcán caá. Obohjeéhtih, Dios ã wutatdih jepahat jíibjih ãjeéh jwí túi jumuchah, Cristo ã wun wũhat dedé pínah

* **2:20** Fil 1.21

ãta nihcan tagaá.

3

Jesucristodihjeh jepahat caá náahap

¹ ¡Yeéb Galacia baácdih moón Jesúíhwã jenah joicánnit ñi jumna caá! Jesucristo cruzboó ã wun wãhat doonádih yoobópdih yeebdíh wã naáwáp jĩ. Páant wã naáwátdih ñi túi jepahachah yahna, bũũ ¿Dépanih tigaá bitaboó yeebdíh mácah ĩ naáwáchah joinít, ñi jepah?

² Nindih wãát jenah joí en tigaá: ¿Moisés ã wutajtidih ñi jepahat jíib niít Túini Espíritu ñijeéh át jwíih jum? Nihcan caá. Obohjeéhtih, túini doonádih joiná, Cristodih túi jenah joinít, ñi jepahachah, ñijeéh át jwíih jumap be.

³ Túini Espíritu ã teo wáacatjĩh Cristodih ñi jwíih jepahna yahna, ¿Dépanih tibeé bũũ jwũub túut nuumnít, ñi jenah joyátjĩhjih Moisés ã wutajtidih jepahna caá ñi chãjap? Pánih chãjna, jenah joicánnit ñi jumna caá.

⁴ Túini doonádih ñi jepahatji jíib dawá láa túini yeebdíh át yapjip tagaá. ¿Páant yeebdíh ã túi yapatjidih ñi quíib bũudá niít? Oboh pohba páant yapna át chãjjican tagaá.

⁵ ¿Ded pah ñi chãjatji jíib tibeé Dios yeebdíh Túini Espíritudih át wãhji? ñi jenah joyóchah. Moisés ã wutajtidih ñi jepahat jíib nihcan, ãih túini doonádih joinít, Cristodih ñi jepahat jíib, yeebdíh Túini Espíritudih át wãhap taga. Páant ã jumuchah, Jesucristodih ñi túi jepahat jíib cãacwã ĩ jéih chãjca naáhdih Dios ã wẽpatjĩh yeebdíh ã chãj jũutat túutna caá.

Abraham Diosdih ã túi jenah joyát

⁶ B_{uu}, jwĩ n_{uo} Abraham ded pah ã chãjatjidih jwĩ jenah joyát dée caá. Dios caandih ã naáwátidih át túi jenah joyóp w_{ut} jĩ. “Meemdih wã túi chãjbipna caá”, Dios ã niijíchah, ã túi jenah joyát jíib, “Caán Abraham túini caá”, Dios caandih át niij enep w_{ut} jĩ.*

⁷ Pánihna, caán Diosdih ã túi jenah joyát pah, jwiítbut páant túi jenah joinít, Abraham ã j_uimená panihnit jwĩ j_umna caá.*

⁸ Judíowã nihcannitbut Diosdih ã túi jenah joyóchah, “Queét táinit caá”, Dios ã niij enna caá. Páant ã niij enat pínahdih jéihna, Dios nin túini doonádih Abrahamdih jãtíh átát naáwáp w_{ut} jĩ: “Weemdih ma túi jenah joyát jíib nihat nin baácđih moondih wã túi chãjbipna caá”, át niijíp w_{ut} jĩ.*

⁹ Pánihna, Abraham caandih ã túi jenah joyóchah enna, Dios caandih ã túi chãjatji pahjeh, b_{uu} láabut det Diosdih túi jenah joinítidih biíc yoobó ã túi chãjbipna caá.

¹⁰ Obohjeéhtih, ded “Moisés ã w_{ut}atjidih jepahíhna, Dioíh wã j_umbipna caá”, niij jenah joiníidih búdí peéh chãjat ã j_umbipna caá. Nin pah Moisés át niij daacáp tajĩ: “Ded wã w_{ut}atjidih túi jepah beedácannidih búdí peéh chãjat ã j_umbipna caá”, át niij daacáp tajĩ.*

¹¹ Biíh naóh yapani nin pah át niij daacáp tajĩ: “Diosdih túi jenah joí, jepahnitboodih ‘Queét táinit caá’, Dios ã niij enbipna caá. Pánih jepahna, páantjeh Diosjeéh ã túi j_umbipna caá”, át niij

* **3:6** Gn 15.6; Ro 4.3 * **3:7** Ro 4.16 * **3:8** Gn 12.3 * **3:10** Dt 27.26

daacáp tajĩ.* Páant ã niijátji yoobópdih ã jumuchah jéihnit, nindihbut jwĩ táí jéihna caá: Ded Moisés ã wʉtatjidih ã jepahat jíib “Caán táini caá”, Dios ã niíj encan niít.

12 “Ded Diosdih táí jenah joiní, ã jepahachah, ‘Caán táini caá’, Dios ã niíj enbipna caá. Ded weemdíh Dios ã wʉtat tʉtatjidih táí jepah beedánijeh Dios bíicdih ã táí jumbipna caá”, Moisés ãt niíj daacáp tajĩ.*

13 Jwiít nihat caán wʉtatdih jwĩ táí jéih jepah beedácah, jwiítidih Dios ã peéh chájipna caá. Páant ã peéh chájat jwiítidih ã jumuchah ennit, Cristoboó caán ã peéh chájat déedih jíib chájnit, jwiítidih ãt wʉn wʉhʉp wʉt jí. Caandíh cruzboó í péoh dodh mawat pínahdih jenah joinít, jon jǎtih nin pah ít niíj daacáp tajĩ: “Ded máa nahdih í mao yaíhniboó búdí peéh chájni ã jumbipna caá”, ít niíj daacáp tajĩ.*

14 Páant í niíj daacátji pahjeh tih Cristo nin baácboó ã jumuchah, caandíh ãt yapap tajĩ. Caandíh páant ã yapatji jíib, “Nin baácđih moondíh wǎ táí chájipna caá”, Abrahamdih ã niijátji pahjeh tih jwĩ déewǎ nihcannitdih Dios ãt táí chájap taga. Páant Cristo ã wʉn wʉhuchah, caandíh táí jenah joinít, jwĩ jepahachah ennit, “Táini Espíritudih wíih cǎacwǎdih wǎ wʉhbipna caá”, ã niijátji pah jwiítidih ãt wʉhʉp jí.

Dedé pínah tigaá Moisés ã wʉtatji

15 Wǎ déewǎ panihnitá, Dios jwĩ nʉo Abrahamdih ded pah ã chájatjidih yeéb ñi beh joyát pínah niijná, ded pah jwiít cǎacwǎ jwípí chájatdih

* 3:11 Hab 2.4 * 3:12 Lv 18.5 * 3:13 Dt 21.23

yeebdíh wã náhniabipna caá. Jwiít biíhdih nin pah jwĩpĩ niíj naóhna caá: “Nin pah meemdíh wã chãjbipna caá”, jwĩ niijná caá. Páant jwĩ niijátjidih biíhboó ã jéih jwúub túut nuumcán niít. “Páant ã niijátji pah ã chãjcan niít”, bitaboó ã jéih niijcán niít.

¹⁶ Caán jwĩ niiját pahjeh muntih, Dios jwĩ nuo Abrahamdihbut nin pah át niíj naáwáp wut jĩ: “Weemdíh ma túi jenah joyát jíib, nihat baácdih moondíh wã túi chãjbipna caá”, caandíh, ã jumadihbut át niijíp wut jĩ. Páant niijná, nihat ã jumená yoobát dihjeh niijná át chãjcap wut jĩ. Biíc ã jumá, túttimah bóo láa jumni Cristodih niijná át chãjap wut jĩ.*

¹⁷ Buu yeebdíh wã túi jéihya naóhbipna caá: Jwĩ nuo Abrahamjidih “Meemdíh wã túi chãjbipna caá”, Dios ã niiját túttimah, cuatrocientos treinta jópchi yapat túttimahna Moisésjidih át wutat túutap wut jĩ, ãih cáacwã ã jepahat pínah niijná. Pánih wutna yuhna, “Abrahamdih wã jwíh niijátji pah, túut nuumcánjeh, biíc yoobó wã péabipna caá”, Dios át niijíp wut jĩ.*

¹⁸ Pánihna, Dios biícdih jwĩ túi jumá pínah Moisés ã wutatjidih jwĩ jepahat jíib nihcan caá. Páant ã jumuchah nihna, Diosdih Abraham ã túi jenah joyát pah, caandíh jwĩ túi jenah joyát jíib ãta nihcan tagaá. Obohjeéhtih, Diosdih Abraham ã túi jenah joyát pahjeh muntih, jwiítbut caandíh jwĩ túi jenah joyóchah, “Yeéb túinit caá”, Dios jwiít dih ã niíj enna caá.*

¹⁹ Páant ã jumuchah, ¿dépanih tigaá Dios caán wutatdih át naóhji? Abrahamdih páant ã niijátji

* **3:16** Gn 12.7 * **3:17** Ex 12.40 * **3:18** Ro 4.14

túttimah, caán wutatdih át naóhjiip taga, jwiít cãacwã yéej chãjnit jwĩ jumatdih jwĩ jéihyat pínah niijná. Abrahamdih Dios ã naáwátji túttimah, caán wutat jwiít dih át jumap jĩ, púú Abrahamji ã juma Cristo cãac jumnit, ã wun wãh láana. Dios ã wutatdih ãih ángelwãboodih Moisésjidih át naóh yapaat tútup wut jĩ. Queét Moisésdih cãacwãdih ít jwúub naóh yapaat tútup wut jĩ.*

²⁰ Caán wutatdih Moisésdih ã naóh yapaat tútuchah, Dios caanjéh pohba cãacwãdih át naóhcap wut jĩ. Obohjeéhtih, “Meemdih táí chãjnit, ma jumajih nihát cãacwãdihbut wã táí chãjbipna caá”, Abrahamboodih niúj naóhna, caanjéh páant át niúj naáwáp wut jĩ.

Cristo nihát Moisés ã wutatjidih ã péaat

²¹ ¿Dios Moisésdih ã wutatjidih naóhna, Abrahamdih ã niijátjidih “Wã niijátji pah wã péacan niít”, niúj niít át chãjap? Páant át niijícan tagaá. Abrahamdih ã niijátji pahjeh biíc yoobó ã péabipna caá. Dios biícdih táí jumat tút niijná, ã wutatdih jepahna, caán láa bácah, ã wutatjidih jwĩ táí jepah beedánachah, dedé peéh chãjat jwiít dih áta wihcan tagaá.

²² Obohjeéhtih, jwiít nihát cãacwã yoobó yéej chãjnit míic jumna, jwĩ yéejatdih jwĩ jéih cádahcatdih Dios naáwátboó ã naóhna caá. Páant jwĩ jumuchah, Diosdih Abraham ã táí jenah joyát pahjeh mantih, jwiítbut Jesucristodih jwĩ táí jenah joyóchah, jwiít dih Dios ã táí ubbipna caá.

²³⁻²⁴ Buh láa, Dios biícdih táí jumat tút niijná, ã wahní Cristodih táí jenah joinít, jepahat caá

* 3:19 Ro 4.13

náahap. Obohjeéhtih, Cristo ã jũúwát pínah játih, Moisés ã wətatjidih táí jepahíhna yahna, yéej chājnit jumna, jwĩ jéih jepahcap jĩ. Páant jwĩ jepahcat jíib, Dios búdí ã peéh chājnit pínah jwĩ jumap jĩ. Páant jwĩ jummatdih jéihnit, jwiít dih táí ubni pínahdih jwĩ bidip jĩ. Pánih bidnit, Cristoíh táini doonádih joinít, caandíh jwĩ jepahap jĩ, “Queét táinit caá”, Dios jwiít dih ã níj enat pínah niijná.

²⁵ Pánihna, Dios biíc dih táí jummat túut niijná, buu Cristodih jwĩ táí jenah joiná caá. Páant jwĩ jumuchah, caán wətatboó jwiít dih bohéni panihni ã nihcan caá, buca.

²⁶ Jesucristodih jepahnit jumna, yeéb nihat Dios ã weh ñi jumna caá.

²⁷ Cristo ã wəpatjĩh daabánit jumna, caán biíc dih jwĩ jumuchah, “Wã wũúh ã jummat pahjeh tih yeebbút ñi jumna caá”, Dios jwiít dih ã níj enna caá.

²⁸ Pánihna, Cristo biíc dih jumna, chéne poómp jwĩ nihcan caá. Pánih biíc poómpjeh jumna, “ ‘Jwiít judíowã nihcannit, queét judíowãdih mácah caá’, Dios ã níj enna caá”, ñi níj jenah joicá bojoó. Teo wəh nit, teo wəh nit nihcannitdihbut; neoná, yaádh dihbut “Nit mácah caá”, Dios ã níj encan caá. Pánihna, yeéb nihat Cristoíhwã jumna, biíc poómpjeh tigaá ñi jumap.

²⁹ Cristoíhwã jumna, Abraham jaimená panihnit ñi jumna caá. Páant ñi jumuchah, Diosdih Abrahamji ã táí jenah joyát jíib caandíh ã niijátji pahjeh mantih, Jesús dih ñi táí jenah joyócah, yeebdíhbut ã táí chāj bipna caá.

Teo wāhñit nihcan, Dios ã weh jwĩ jummat

1-2 Ded pah jwiít cāacwā biih jwĩpĩ chājatdihbut yeebdih wā jwūub náhniabipna caá. Ded ã íp ã éemp wunat túttimah, ãih bií déedih ãih pínah ã jumuchah yahna, páantjeh wébít ã jum jwahuchah, caandih en daonít ĩ jéih yapa jwahcan caá. Pánih bíboh jwahcah, caandih en daonít ĩ niiját pah chājat caá náahap. Pánih jumna, teo wāhni pahjeh ã jumna caá. Obohjeéhtih, ã íp ã jenahatji láa ã juyúchah, ãih pínahdih caanjéh ã bíbohbiipna caá.

³ Pánihna, jwiít cāacwā Jesucristodih jwĩ jepahat pínah jātih, caán wébít panihnit jwĩ jum jwahup jĩ. Pánih jum jwahnit, jwĩnowā ded pah ĩ naáwátjidih yap yohatdih úumna, jwĩpĩ jepahat jĩ.*

⁴⁻⁵ Páant jwĩ jumuchah yahna, ã jenahatji láa ã juyúchah, Dios ã wūúhdih nin baácna át wah bojjiip taga. Páant ã wah bojni jwĩ wūúh panih-nijeh át cāac jumup wut jĩ. Judío wili caandih mi weh jumuchah, Moisés ã wutajdih caandihbut túi jepahat át náahap wut jĩ. Jwiítboó caán wutajdih yap yohnit jwĩ jumuchah, ã weh yoobát jwĩ jummat pínahdih náah yacna, Dios ã wūúhdih át wun wūhat tútup wut jĩ, jwĩ yéejat peéh chājat déedih ã jíib chājat pínah niijná.

⁶ Yeebbút ã weh ñi jumuchah, Dios wūúh Jesucristojeéh jumni Túini Espíritudih yeebdihbut át wah bojop wut jĩ. Páant ñijeéh jumna, ã teo wáacachah, “Paá”, úumcanjeh Diosdih ñi jéih niijná caá.

⁷ Pánihna, ã weh jumna, buu teo wāhñit panihnit nihcan caá, buca. Páant ã weh yoobát ñi jumuchah,

* 4:3 Col 2.8,20

yeebdíh búdí ã túi chãjbipna caá.*

Pablo Galacia baácdih moón Jesúthwãdih ã úum yacat

⁸ Jon jãtih yeéb Diosdih jéih jwãhcannit jumna, ñi pãpninadih túi jenah joinít, “Nin pah wã chãjachah, caán weemdíh ã túi chãjbipna caá”, ñipí niúj jenah joyóp yuh jĩ. Pánih chãjnit, Dios yoobát ã teo wáacat pínahdih bidcan, nemépwã ï teo wáacat pínahdih bidna ñi chãjap jĩ. Pánih chãjna, queétdih teo wãhñit panihñit ñi jumup jĩ.

⁹ Pánih jumna yuhna, buu jwuh Dios yoobátdih ñi jéihyechah, caanbút yeebdíh ã jéihna caá. Páant caandíh jéihna yuhna, ¿Dépanihna buu cáacwã oboh ï jenah joyátjĩhjuh ï naáwátdih ñi jwúub jepah? Pánih jepahna, Diosdih weñaíhna yuhna, ñi bujácán niít. Páant ñi buujácát pínahdih jéihna yuhna, ¿Dépanihna ñi nuowã ï naáwátdih yap yohatdih úumñit, teo wãhñit panihñit ñi jwúub jum?*

¹⁰ Buu Diosdih weñat túut niijná, nin pahbut ñi chãjna yuh caá: Jwiít judíowã jwĩ nuowã ï naáwátjidih jepahñit, jwĩ wëi láa ded pah jwĩpĩ chãjat pah yeebbút biíc yoobó ñi chãjna caá. “Pánih chãjna, jwĩ túi jumnipna caá”, ñi niúj jenah joiná yuh caá.

¹¹ Páant ñi niúj jenah joyóchah, yeebdíh búdí úum yacnit, “Weém queétdih túini doonádih búdí wã bohénachah yuhna, ¿buudní pínah niít át jumup?” wãpĩ niúj jenah joiná caá.

¹² Wã déewã panihnitá, ñijeéh jumna, yeebdíh bohé láa, weemdíh yeejép ñi chãjcap jĩ. Pánihna, buu biíc yoobó weemdíh yeejép chãjcan, nin wã

* 4:7 Ro 8.15-17 * 4:9 Col 2.8,20

naáwát pínahdih ñi túi jepahaá: Yeebdíh bohénadih bejna, Moisés ã wútatjidih jenah joicán, Cristodihjeh yeebdíh wã jepahat túutur jĩ. Pánihna, buu Cristodihjeh wã túi jenah joyát pah, yeebbát biíc yoobó ñi túi jenah joyoó.

13 Nindih ñi náhninaá: Tùbit wanna, ñi pebhboó chão jwáhnit, yeebdíh túini doonádih wã jwíih naáwáp jĩ.*

14 Páant wanni wã jumuchah yuhna, “Pablo dedé pínah nihcan caá”, niijcánjeh, yeéb weemdíh ñi bacat túutcap jĩ. Pánih bacat túutcan, Dioíh ángeldih, Jesucristodihbat ñi weñat pah, weemdíh ñi túi wēi jwãáap jĩ.

15 Pánih wēi jwãáhnit, nin pah ñi jumatjidih wã náhnina caá: Weemdíh búdí teo wáaquíhna, dedé wã náahatdih wuhna, ñíih quíibnadih ñita wãat wuh tagaá. Pánih wēinitji yuhna, ¿dépanih tigaá buu wã wihcah, ñi weñatji ã bej?

16 Wã bohénitji jumna yuhna, ¿buu yoobópdih yeebdíh wã naáwátji jíib, weemdíh ñi en jãih níit?

17 Ñi pebhna jubínitboó “Búdí jwí teo wáacmi caá”, yeebdíh niijná yuhna, ñi jenah joyátboó mácah ã jumna caá. Páant ñi niijícah yuhna, wã bohéátjidih, jwiítidihbat yeebdíh ñi cádahat túutna caá. Pánih cádahnit, ñijeéh jumnit, ñi bohéátboodíh ñi jepahat pínahdih ñi náah yacna caá.

18 Jwiít cáacwã bita ñi túi bejat pínahdih yoobópdih náah yacachah, ãpĩ túina caá. Obohjeéhtih, páant niijná yuhna, mácah jwí jenah joyócah, ãpĩ túican caá. Ñijeéh jumna, wãpĩ túi teo wáacap jĩ, ñi túi jumat pínah niijná. Buu ñijeéh wihcan yuhna, biíc

* 4:13 Hch 16.6

yoobó ñi túi jumat pínahdih wã náah yacna caá.

19 Yeebdíh búdí wã oyochah, wã weh panihnit ñi jumna caá. Pánih oinit, yeebdíh búdí wã náhni dahwana caá. Pánih búdí mácah jenah joiná, yad wili mi weép jáaat pah tabani wã jumna caá. Pánih jumna, ded pah Cristo ã jumatji pah yeebbát ñi jumat pínahdih búdí wã náah yacna caá.*

20 Butéh ñijeéh wã jumuchah, äta túi tagaá. Pánih biíc dih jumna, jühcanjeh naóh nit, yeebdíh wã jéih míc wéhenachah, chah äta túi tagaá. Obohjeéhtih, ninboó jumna, yeebdíh búdí mácah jenah joiná caá wã chājap.

Agar Sarajih ded pah i jumatji

21 Yeéb weemdíh ñi joi jwúhúú. Biquína Diosjeéh túi jumíhna, jwiít judíowã jwí ñowã ñi naáwátjidih ñi jepahna yuh caá. Caandíh jepahíhna yuhna, ded pah i naóh daacátjidih ñi túi beh joicán caá. Pánih beh joicánnit ñi jumuchah, nin pah Moisés ã daacátjidih wã naóhbipna caá, ñi túi beh joyát pínah niijná:

22 Abraham chénewã ät weh jumup wut jī. Caandíh teo wühnih Agar biíc mit wūh jumup wut jī.* Ä áa yoobát Sarabat biíc mit wūh jumup wut jī.*

23 Pánihna, caandíh teo wühnihboó, jáap wili jumna, Ismael pínahdih mit weh jumup wut jī. Obohjeéhtih, “Majeéh bóli, Sara newé weépdih mi weh jambipna caá”, Dios Abrahamdih ã niijátji pahjeh, Saraboó tab beh wili jumna yuhna, Isaac pínahdih mit weh jumup wut jī.

* 4:19 Ro 8.29; 2Co 3.18; Fil 3.10

* 4:22 Gn 16.15

* 4:22 Gn

24-25 Queét chénewã yaáhdih ded pah ã yapatji jwiít dih ã túi naóhna caá. Teo wãhnih Agardih jenah joinít, Arabia baácboó jumni Sinaí jeéboodih jwí jenah joiná caá. Caán jeéboó Dios Moisésdih ã wutátjidih át wãhup wut jĩ, jwí newã ã túi jepahat pínah niijná. Caán wutát dih jepahna, teo wãhniit pah ít jumup jĩ. Pánihna, Agar teo wãhnih mi jummat pah, jwiít cáacwã caán jeéboó ã wutátjidih jepahíhniit, jwiítbut teo wãhniit panihniit jwí jumna caá. Páant ã jumuchah, caán Sinaí jee pánihni teo wãhnih Agar mit jumup jĩ. Pánihna, caánt teo wãhnih caán jee pánihnih mi jummat pah, baa Jerusalén títchidih moón caán wutát dih jepahíhniit, mi jummená panihniit ã jumna caá. Pánih jumniit, queétbut bíic yoobó teo wãhniit panihniit jumna, Dios weh ã nihcan caá.

26 Obohjeéhtih, teo wãhcannih Saraboodih jenah joinít, “Majeéh bóli Sara newé weépdih mi weh jumnipna caá”, Dios Abrahamdih ã niijátjidih jwí náhnina caá. Pánihna, Abraham Dios ã niijátjidih ã túi jenah joyátji pah, jwiítbut Cristodih túi jenah joinít jumna, Sara mi jummená panihniit jwí jumna caá. Pánih jumniit, Dios pehbboó jumni jáap Jerusalén títchidih moon pánihniit jwí jumna caá.

27 Dios naáwát dih naóh yapani Isaías jwí éet Sara ded pah mi yapatjidih jenah joinít, nin baácboó jumni Jerusaléndih, jeáboó jumni Jerusaléndihbut ded pah ã yapat pínahdih Dios át jenah joyát túutap jĩ. Caandih jenah joinít, nin pah át niij daacáp tají: “Weh wihcannih, búdí ma wëi ñaacá. Weép jumna tibatdih jéihcannih jumna yuhna, ma weh jumnipna caá. Ma jummená dawá jumniit, meemdih teo wãhnih mi jummená चाह ã

jumbipna caá. Pánihna, ma túi weñeé”, ãt niij daacáp tajĩ. *(Is 54.1)*

Páant niij daácnit, chah dawá mi jaimená ĩ jumat pínahdih naóhna, jeáboó jumni Jerusalén tútchiboó dawá Jesucristodih jepahnitji ĩ jumat pínahdih niij naóhna ãt chãjap tajĩ. Agardih Abraham ã yohat pah nin baácboó jumni Jerusaléndih ĩ yohat pínahdihbut niij naóhna ãt chãjap tajĩ.

²⁸ Pánihna, Dios ã niijátji pahjeh Sara wãúh Isaac ãt cãac jumap wat jĩ. Pánihat pah, “Weemdih ma túi jenah joyát jib, nihat baácđih moondih wã túi chãjbipna caá”, Dios Abrahamdih ã niijátji pah, Cristodih jepahnit ñi jumachah, yeebdihbut ãt túi chãjap taga.

²⁹ Queét chénewã ã wehdih ded pah ã yapatjibut jwiítđih nin pah ã bohéna caá: Dios ã niijátji pahjeh Túini Espíritu ã teo wáacachah, Isaacji ãt cãac jumap wat jĩ. Páant ã cãac jumachah ennit, ã úud jeñé Ismaeljiboó caandih enihcan, yeejép ãt chãjap wat jĩ. * Bũbut ã chãjatji pahjeh jwĩnũowã ĩ naáwátjđih jepahíhnitboó jwiít Cristodih jepahnitđih yeejép ĩpĩ chãjna caá.

³⁰ Páant yeejép ĩ chãjachah yuhna, Moisés nin pah ã niij daacátjđih jwiítđih túi jenah joyát caá náahap: “Sara mi áa Abrahamjđih nin pah mi niijíchah, Dios ãt jepahat tútup wat jĩ: ‘Jwiítđih teo wãhñih wãúh, Ismael, míh bíí déedih ã jéih bíbohcan niít. Jwĩ wãúh yoobát Isaacboó caandih ã bíbohñipna caá. Pánihna, jwiítđih teo wãhñihđih mi wãúhjĩh bíáboó ma bejat tútú’, mit niijíp wat jĩ”, Moisés ãt niij daacáp tajĩ.* Páant ã niij daacátjđih je-

* 4:29 Gn 21.9 * 4:30 Gn 21.10

nah joinít, jwiít Isaac panihnit jwĩ jumuchah, Dios caandíh ã túi chãjat pah, jwiít dihbut ã túi chãjbipna caá.

³¹ Pánihna, wã déewã panihnitá, teo wãhnih Agar mi jüimená panihcan, teo wãhcannih Saraboó mi jüimená panihnit jwĩ jumna caá.

5

Teo wãhnit panihnit jwĩ jumatdih Cristo ã cádahat tútat

¹ Teo wãhnit panihnit jwĩ jumcat pínah niijná, Cristo jwiít dih ãt wun wãhup wut jĩ.* Páant ã wun wãhuchah, “Caandíh túi jenah joiná, Dios biíc dih wã túi jumbipna caá”, niijnít, caandíh ñi jepahap jĩ. Pánih jepahnit, “Moisés ã wutatjidih wã túi jepahachah, Dios weemdíh ã túi enbipna caá”, ñi níj jenah joicá bojoó. Jesús dih cádahcanjeh, túi wëp ñuhnit panihnit ñi jumhá. Pánih jumnit, bita ã wutatdih jepahcanjeh, teo wãhnit panihnit ñi jwáub waadcá bojoó.

² Weém, Pablo, nindih wã naáwáchah, ñi túi jenah joyoó: “Bóodnit jumna, Diosjeéh jwĩ túi jumbipna caá”, níj jenah joinít, ñi míic bóodat tútuchah, Cristo yeebdíh ã wun wãhatji dedé pínah ãta nihcan tagaá.

³ Búutéh wã niiját pah, wã jwáub naóh b ipna caá. Ded bóodat tútniboodíh nihát Moisés ã wutatjidihbut jepah beedáát caá náahap.

⁴ Diosjeéh túi jumát tút niijná, caán wutatdih túi jepahíh nit jumna, yeebjéh Cristoboodíh ñi cádahna caá. Pánih jepahíhna, Dios yeebdíh oinit, ã teo wáacatdihbut míic jãhna caá ñi chãjap.

* 5:1 Jn 8.32-36

5 Obohjeéhtih, jwiítboó Túini Espíritu ã teo wáacatjĩh Cristodih jwĩ túi jenah joiná caá. Páant jwĩ túi jenah joyóchah, “Queét túinit caá”, jwiít dih Dios ã niij enna caá. Páant niij ennit, ã pebhboó jwĩ jwibínachah, jwiít dih ã túut nuúm péabipna caá. Páant ã túut nuúm péanachah, túinit yoobát jwĩ jummat pínahdih jwĩ pãina caá.

6 Pánihna, jwiít Jesucristoíhwã bóodnit jumna, bóodcannitbut jwĩ jumuchah, Dios jwiít dih biíc yoobó ã enna caá. Cristodih túi jenah joiná, bitadih túi oinit, teo wáacnit jwĩ jumuchah ennit, Dios jwiít dih ã túi wēibipna caá.

7 Wã déewã panihnitá, yeéb Cristodih ñi túi jenah joyóp yah jĩ. Obohjeéhtih, túini dooná yoobátdih ñi túi jenah joyóchah yuhna, ¿déhe tibeé yeebdih cádahat túutni?

8 Dios yeebdih ñioniboó queétdih páant át naáwát túutcan tagaá.

9 Nindih ñi náhninaá: Búdí pan pínahdih ã paa béjat pínah niijná, bainíbit paáat túutnijeh ã náahna caá. Pánihat pah, wã túttimah jũóhñit, yeebdih mácah ĩ bohénachah, daocánnit yuhna, dawá yeebdih ĩ túut nuumát túutna caá.*

10 Obohjeéhtih, jwĩ Maáh Jesús dih wã túi jenah joyóchah, weemdih weñanit, nin pah ã niij jenah joyát túutna caá: “Jwĩ Maáh queétdih ã túi teo wáacipna caá, queétdih mácah ĩ bohéátdih cádahñit, wã bohéátjidih yoobóp dih ĩ jwáub jenah joyát pínah niijná”, ã niijná caá. Obohjeéhtih, ded yeebdih yéjaniboodih Dios bádí ã peéh chãjbipna caá.

* 5:9 1Co 5.6

11 Wā déewā panihnitá, queét mácah naóhnit weemdíh nin pah í níj yeena caá: “ ‘Bóodat túttnit, Diosjeéh ñi túi jumbipna caá’, Pablo ãpĩ níj naóh bohéna caá”, í niijná yuh caá. Páant wā bohénachah nihna, queét weemdíh yeejép ãta chãjcan tagaá. Obohjeéhtih, cruzboó Jesucristo ã wun wãhatjidih wã bohéat peéh weemdíh í jũihna caá.

12 Pánihna, bóodat túttnitboó, yeebdíh yeejép í chãjat peéh, biáboó í beje naáh.

Oina, wãtatdihbwt jwĩ jepahat

13 Wā déewā panihnitá, “Wā wãtatdih jepahna, wãjeéh í túi jumbipna caá”, Dios yeebdíh ñionit, ãt níj jenah joicáp jĩ. Obohjeéhtih, watnit panihnit jumna, “Buu caán wãtatdih jepahcan, ded pah yeejép wã jenah joyátidihjeh wã chãjbipna caá”, ñi níj jenah joicá bojoó. Páant níj jenah joicánjeh, búdí oinit, ñi túi míc teo wáacá.*

14 Moisésjiboó nin pah ãt níj wãtup jĩ: “Meém mícjeh ma míc oyat pah, bitadidibwt oinit, ma túi teo wáacá”, ãt niijíp jĩ.* Pánihna, bitadidih túi oina, nihat biih ã wãtatdihbwt túi jepahna caá jwĩ chãjap.*

15 Nuñupwã í míc chãacát pah, mácah bohénitdih joiná, yeebjéhwt tãbit míc jũihna caá ñi chãjap. Páant ñi chãjatdih cádahcan, yeebjéh ñi míc yéja beedábipna caá.

Túini Espíritu ded pah jwĩtdih ã náah yacat

16 Nin pah yeebdíh wã níj wëp naóhna caá: Túini Espíritu ã teo wáacatjĩh ded pah yeebdíh ã náah

* 5:13 Mt 20.26 * 5:14 Lv 19.18 * 5:14 Ro 13.8-10

yacat pahjeh ñi túi jumúá. Pánih jumna, yeejép ñi jenah joyát pah ñi chājcan niít.

17 Ded pah jwiítjeh yeejép jwĩ náahatdih chājna, Túini Espíritudih en jūihnit dée pah jwĩ jumna caá. Caán ã náah yacatdih chājna, jwĩ náahatboodíh jwĩ chājcan niít. Páant ã jumuchah, ded pah yeejép jwĩ jenah joyát dihjeh chājcan, Túini Espiritu ã náah yacatdih chājat caá náahap.*

18 Túini Espiritu ded pah ã náah yacatdih chājnit jumna, “Diosjeéh wã túi jummat túut niijná, Moisés ã wuatjidih túi jepahat caá weemdíh náahap”, ñi niúj jenah joicán caá.

19 Diosdih jepahcannitboó yeejép ï jenah joyát dihjeh chājnit, nin pah ï chājatdih jwiít nihat jwĩ jéihna caá: Yéej chājnit, yéej chājatdih jenah joinít, tíic jenah joicánjeh íí náah chājnit ï jumna caá.

20 “Nin weemdíh teo wáacni caá”, Dios yoobát nihcannidih niúj wēinit, jióhnit, míic eníhcannit, míic jūihnit, bita ï bíbohatdih en ñinahnit, waícanjeh íijnit, bitadih teo wáacatdih jenah joicánjeh, queétjeh maáta pah jenah joinít ï jumna caá. Míic en jūihnit, tútchi wahnit, “Yeéb mácah moón caá”, niúj en jūihnit ï jumna caá.

21 Bita ï túi jumuchah en íijnit, máihnit, máihñatdih yaádh metatdihbut bidnit, búdí babhbat dooná jummat joiná wēinit ï bejna caá. Pánihat caá yéej jenah joinít, ípĩ chājna caá. Játih yeebdíh wã niiját pahjeh, but wã jwúub niúj naóhna caá: Det pánih chājnit Dios ã maáh jumapboó ï jéih jumcan caá.

* 5:17 Ro 7.15-23

22 Obohjeéhtih, Túini Espíritu ã teo wáacatjĩh nin pah jwĩ jumna caá: Dios jwiít dih ã oyat dih jéihnit, túi wēinit, jwiítbut bitadih jwĩ oina caá. Ƨumcan, túinijeh jwĩ jumna caá. Yójahcan, ded pah bita ĩ chãjachah yuhna, queétdih waícanjeh íjcan, túinijeh jwĩ jumna caá. Bitadih túi teo wáacnit, túi chãjnit jwĩ jumna caá. Diosdih, cãacwãdihbut ded pah jwĩ niijátji biíc yoobó péanit jwĩ jumna caá.

23 “Weém chah jéihni wã jumna caá”, jwĩ niijcán caá. Ded pah yeejép chãjat jenah joyát ã jũwúchah yuhna, caandíh joyáh bojnit, jwĩ chãjcan caá. Páant jwĩ chãjachah ennit, “Moisés ã wut atjidih jepahcan, queét yeejép ĩ chãjna caá”, det ĩ jéih niijcán caá.

24 Jesucristoíhwã jumna, yeejép chãjat jwĩ jenah joyátjidih jwĩ jepah cádahap jĩ.*

25 Pánih cádahnit, Túini Espíritu ã náah yacatboodíh wēi jepahnit, jwĩ chãjat dée caá.

26 Pánih chãjnit, “Wã déewãdih chah wã jéihna caá”, niij jenah joicánjeh, jwiítjeh jwĩ míic íjcan, jwĩ déewã ĩ túi jumuchah ennit, jwĩ en íjca bojat dée caá.

6

Jesúíhwã ĩ míic teo wáacat

1 Wã déewã panihnitá, ñi túi míic teo wáacá. Pánih míic teo wáacnit, biíc ñijeéh jumni ã túi chãjcatdih ennit, Túini Espíritu ã teo wáacatjĩh caandíh ñi túi míic wéhenaá, túut nuumnít, túinijeh ã jwúub chãjat pínah niijná. Pánih teo wáacnit, yeéb míicjehbut ñi túi chãja chaáh, “Yeejépdih chãjna”, niijná.

* 5:24 Ro 6.3-14; Gá 2.20; 6.14

² Ñijeéh jumnit yeejép ï yapachah enna, queédih ñi teo wáacá. Pánih míic teo wáacna, Cristo ded pah ã náah yacatdih jepahna caá ñi chãjap.

³ “Bita chah túi chãjni jumna, dedé teo wáacatdih wã náahcan caá”, ded niij jenah joiná, caanjéh míic yeena caá ã chãjap.

⁴ Ded pah ñi chãjatdih jenah joinít, “Nin túini caá. Caán yeejép caá”, niij jéihyat caá náahap. Pánih jéihna, ded pah ñi chãjat túini ã jumachah, bitadih ded pah ã yapatdih jenah joicánjeh, ñi túi wëibipna caá.

⁵ Jesús jwiít dih ded pah ã náah yacatdih jepahna, jwí jepahcahbut jwiítjeh jwí ñíwat pínah ã jumna caá. Bitaboó jwiít dih ï jéih ñío wũhcan caá.

⁶ Det túini doonádih bohénitboó queédih naóhndih ï túi teo wáaca naáh, dedé ã náahatdih ã bíbohat pínah niijná.

⁷ Ded pah jwí chãjatdih jenah joinít, nindih náhníat caá náahap: Jwiít cãacwãboó dedédih jwí momochah, caanjéh ã jwúb chíih jũúwúchah, caandíhjih jwí bíbohíipna caá. Túininadilh ñíonit, jwí momochah, túini ã chíih jũóhíipna caá. Obohjeéhtih, yeejépnadh jwí momochah, táicanni áta chíih jũóh tagaá. Pánihat pah, jwiít cãacwãdihbut bíic yoobó ã jumna caá. Ded pah jwí chãjachah, bíic yoobójeh mantih jwiít dihbut ã yapbíipna caá. Ñi túi náhninaá, Dios nihat jéihndih jwí jéih tíohcan caá. Pánihna, “Weém wã túi chãjcatdih Dios ã encan caá”, ñi niij míic yeeca bojoó.*

⁸ Ded ã weñat pínahdihjih chãjna, yeejép ã chãjachah, ã yéej chãjat jíib, iiguípna ã bejbipna

* 6:7 Pr 22.8; Os 8.7

caá. Obohjeéhtih, ded Túini Espíritu ã náah yacatboodíh jepahna, ã túi chãjat jíib, páantjeh Diosjeéh ã jumbipna caá.

⁹ Dios ã jenahat láa, túi chãj cádahcan, túinidih jwĩ bíbohbiipna caá. Páant jwĩ bíbohat pínahdih jéihnit, túi chãj chũcán, jwĩ cádahca boj jíih.*

¹⁰ Dedé teo wáacatdih ĩ náahachah, jwĩ bũjãát pah bóo, nihat cãacwãdih jwĩ túi chãj jíih. Jwĩ déewã panihnit Jesúihwãdih bácah, chah jwĩ míic túi teo wáacat dée caá.

Pablo naóh péanit, ã túyat tútat

¹¹ Nin núodih wã chéen ã daác wũhap be. Pánihna, nin péeni naáwãtdih dahwaní wã daacãtdih ennit, “Pablojeh jwiĩtdih ãt daác wahap taga”, ñi niij jéihbiipna caá.

¹² Bũ queét yeebdíh yee bohénitdih wã jwãub naóhbiipna caá. Queét yeebdíh bóodat tútnitboó jwĩ déewã queétdih ĩ wēi enat pínah niijná, páant ĩ bohéna caá. Jesús cruzboó ã wũn wãhatjidihjeh bohéna, queétdih jũihnit, jwĩ déewã yeejép ĩta chãj tagaá. Páant yeejép yapatdih náahcan, queét yeebdíh ĩ bóodat túttna caá.

¹³ Queét bóodat tútnitboó Moisés ã wũtatjidih túi jepah beedãcan yũhna, yeebdíh caandíh jepahat tútnit, ĩ bóodat túttna caá. Bitã jwĩ déewã “Queétboó Gálatasdih moón Jesúihwãdih ĩt túi bóodat tútũp tagaá”, queétdih ĩ niij wēi naáwãt pínah niijná, páant ĩ bohéna caá.

¹⁴ Obohjeéhtih, cãacwã weemdíh ĩ túi wēi naáwãt pínahdih weémboó wã bidcan caá. Pánih bidcan, jwĩ Maáh Jesucristo cruzboó ã wũn wãhatjidihjeh

* 6:9 2Ts 3.13

cãacwã ï wëi naáwát pínahdih wã náah yacna caá. Weemdíh ã wñ wñhuchah, nemép Dioíh nihcannitdih yeejép ã chãjat tútuchah yuhna, weémboodíh ã bujácán niít. Páant yeejép ï chãjachah yuhna, wã en yaccan niít.

¹⁵ Jwiít Jesucristoíhwã jumna, Dios jwiít dih ã enechah, bóodnit, bóodcannitbut jwí jumuchah, biíc yoobó dedé pínah nihcan caá. Obohjeéhtih, táiniboodíh jwí tút numúchah ennít bácah, búdí yoobát ã wëi enna caá.*

¹⁶ Nin wã bohéatdih túi jepahnit, Diosjeéh úmcanjeh ñi túi jumú. Dios yeebdíh jĩgah ennít, ã teo wáaca naáh. Biíc yoobó ã teo wáacat pínahdih nihát ãihwãdih wã náah yacna caá.*

¹⁷ Nin wã pée naáwátbit caá: Jwí Maáh Jesús dih teo wñhni wã jumat jíib, weemdíh ï puñat yahwítji páantjeh wñh bácahdih wã ðoná caá. Páant yaoh ðoní wã jumuchah ennít, “Pablo Jesús íh táini doonádih Dios ã naáwát tútñi nihcan caá”, weemdíh ï jwúb niíj tac bugáca bojo naáh.

¹⁸ Wã déewã panihnitá, jwí Maáh Jesucristo yeéb nihát dih búdí oinit, ã túi teo wáaca naáh. Pánih náah yacnit, yeebdíh búdí oinit, wã túyat tútña caá.

Páant bóojeh tigaá wã daacát.

Pablo

* **6:15** Jn 3.3-7; 2Co 5.17 * **6:16** Sal 125.5; 128.6

Dios ã jáap naáwát tólih New Testament in Cacua

copyright © 2008 Wycliffe Bible Translators, Inc.

Language: Cacua

Translation by: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cacua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files
dated 29 Jan 2022
34c9543b-57a6-5290-ab7b-4fa15529a7e2